

ESSUULA ESOOKA: AMAKA

Ku nkomerero y'ennyingo eno ojja kuba osobola okukola bino:

- Okuwuliriza, okwogera, okusoma n'okuwandiika olulimi obulungi.
- Okunnyonyola obulungi ebifa ku maka nga yeeyambisa ebigambo ebituufu.
- Okweyambisa emiwendo okunnyonyola ebifa ku maka mu bulamu obwabulijjo.
- Okulamusa n'okusiibula obulungi ng'akozesa ebigambo ebituufu..
- Okuwandiika ebbaluwa ezitali ntongole.
- Okweyambisa ebikokko ebikwata ku maka.

Ebigambo ebikulu

- Empandiika entongole
- Walifu
- Empeerezi oba enjatuza
- Ensirifu
- Enjatula y'ebigambo
- Amaka
- Okulamusa n'okusiibula

ENNYANJULA

Essomo lino ligendereddwamu okukuyamba okutegeera ennakuta n'amaloboozi gaazo nga bwe bikozesebwa mu lulimi Oluganda. Ojja kuba ng'osobola okwawula Walifu y'Oluganda ku y'Olungereza osobole okubeera omuwuliriza, omwozezi, omuwandiisi n'omusomi ow'Oluganda omulungi.

1.1.1: *Empandiika entongole (Orthography)*

Empandiika y'olulimi Oluganda entongole kitegeeza engeri ekkirizibwa okukwataganya ennakuta, ennyingo n'ebigambo nga tuwandiika. Kirungi omusomesa okumanya enjawulo wakati wa Walifu y'Olulimi Oluganda ku Walifu y'Olugengereza kuba abayizi baasomesebwako Olungereza mu lubereberye. N'olwensonga eyo, okuyiga olulimi Oluganda kulina kutandika na kuyiga Walifu yaalwo. Empandiika entongole etwaliramu ebintu ebikulu ennyo ng'ennakuta/ amaloboozi, Walifu, enzimba y'ennyingo, okuwangaala, okuggumira n'enjatula y'ebigambo ey'enjawulo.

SSINIYA ESOOKA LUGANDA

Ebikwata ku mpandiika y'Oluganda entongole

1. Okuwuliriza n'okwawula ennukuta /amaloboozi

Okuyiga olulimi Oluganda tutandikira ku kuyiga nnukuta oba amaloboozi. N'olwekyo mulimu gwa musomesa okuyamba abayizi be okutegeera ennukuta ezikozesebwa nga tuwandiika Oluganda.

2. Enjawulo mu walifu y'Oluganda n'ey'Olungereza

Enjawulo ey'enkukunala mu walifu ez'enjawulo eba mu muwendo gw'ennukuta ezirimu, okugeza walifu y'olulimi Olungereza erina ennukuta abiri mu mukaaga nga bwe kiri mu y'Oluganda. Newaakubadde waliwo okufaanagana mu muwendo gw'ennukuta, waliwo enjawulo nnene mu maloboozi. Okugeza:

Akaborero k'eddoboozi	Luganda	Lungereza
/c/	Ky: mukyala, ekyalo C: Omuceere, mucungwa, n'ebirala	Ch: charcoal
/l/	L: lumonde luku	life
/b/	B: baana , baaba	ban

Amaloboozi g'ennukuta n'enjatula yaago mu Luganda oluusi eyawukana ku y'Olungereza. Kirungi ne weekenneenya enjawukana ezo.

3. Okuwangaala

Empeerezi zikuyusibwakyusibwa nnyo amaloboozi n'enzimba yaago okusinga ensirifu. Okuwangaala oba obutawangaala mu kigambo kukyusa amakulu g'ekigambo ekyo okuva ku ge wayagadde okutegeeza mu kusooka. N'olwekyo, kirungi omuyizi n'aba ng'amanyi enkyukakyuka ezo. Mu Luganda tuwandiika okuwangaala n'empeerezi ezifaanagana bbiri mu kifo kimu.

obutawangaala	okuwangaala
sala	Saala
bana	Baana
Sera	Seera
Omubazi	Omubaazi
Omufuzi	Omufuuzi

4. Okuggumira

SSINIYA ESOOKA LUGANDA

Ennimi ezimu ng'Oluganda zikozesa ensirifu bbiri ezifaanagana okulaga eddoozi eriggumira mu kigambo. Okugeza

Okuggumira	Obutaggumira (obuwewufu)
omubbi	Omubi
omukka	omuka
bbala	Bala

5. Okugatta ensirifu

Okugatta ennukuta kitegeza ennukuta ensirifu ez'enjawulo ezisobola okuddiriŋŋana nga tuzimba ennyingo. Mu nnimi zonna waliwo enkola entongole ekkirizibwa okugobererwa nga tugatta ennukuta ensirifu . Ensirifu ezikkiribwa okugattibwa zeezo zokka ezisangibwa mu walifu y'Oluganda/ mu bigambo by'Oluganda. Weeyambise empandiika entongole mu Luganda , enkuluze y'Oluganda n'ebitabo bya ggulama, oluŋŋame abayizi ku nnukuta ezisobola okugattibwa okugeza:

Ensirifu ezisobola okugattibwa	Ebyokulabirako
Kw	Kwala, kwana, enkwa, kukwata
Bw	Bwana, bweru, bwoya
Ny	Nyaanya, ennyana, nyingo
Mw	Mwana, mwala, Mwebe
Nt	Nantaba, nte, ntamu



Ekyokukola ekisooka : Okusoma

Mu bubinja oba nga muli babiribabiri musome embooji eno wammanga.

OKULAMUSA

Kya mpisa okulamusa abantu. Lumu nnaakeera nnawankya okugenda ku ssomero. Naye wakati mu lugendo luno, nnatuuka ku maka agamu ne nsanga omwami omukadde atambulira ku muggo mu luggya lwe. Mu butuufu nnali mu bwangu naye ne nnyimirira mmulamuseeko.

Kino kyasanyusa nnyo omukadde ono. Mu luggya lwe mwalimu omuti gw'omuyembe. Yambuuzza

SSINIYA ESOOKA LUGANDA

obanga nandyagadde okulya ku miyembe era ne nzikiriza. Amangu n'embiro yaggyayo oluti oluwanvu n'ampanulira emiyembe egyegendde obulungi ebiri. Nneeyongerayo ku ssomero nga mbugaanye essanyu. Emiyembe gino nnamukadde gye yampa gye nnalya ng'ekyemisana. Kino kyandaga nti kirungi nnyo obutayita ku bantu nga tobalamusizza.



Ekyokukola Ekyokubiri: Okuwandiika

1. Mu bubinja oba nga muli babiribabiri muwandiike ennukuta zonna ezikozeseddwa mu kuwandiika embooji eyo.
2. Wandika Walifu y'Olungereza.
3. Laga ennukuta ezifaanagana mu Walifu zombi.
4. Walifu y'Oluganda erimu ennukuta mmeka?
5. Bubonero ki obw'empandiika ku buno bw'olaba bukozeseddwa mu mbooji? [“ ” . , : ; ! ‘ ? - !) Lwaki bukozeseddwa ku bigambo ebyo?
6. Olina ebigambo byonna by'olaba ebiwangaala oba ebiggumira? Biwandiike.
7. Njawulo ki eri wakati w'ebigambo ebiggumira n'ebitagumira n'ebyo ebiwangaala n'ebitawangaala?



Ekyokukola ekyokusatu : Kuwuliriza n'okwogera



Ekyokukola ekyokusatu : Okuwuliriza n'okwogera

Soma sentesnsi zino wammanga.

1. Mukadde Mukudde abadde afudde.
2. Ddawudi Ddamba dda e Buddo obudde obudda e Buddo butuuse.
3. Ssinga ssenga asenga e Ssenge ssinga sseesiimye.
4. Balikuddembe n'enkejje ze bamuseeredde e Ndejje.
5. Akawala akaawa Kaawa kaawa akaawa k'awa?
6. Bakka baka abakka abakkakamu.

1. Ng'oggyeeko ebigambo ebikozeseddwa mu ssentensi ezo waggulu wandiika ebigambo bibiribiri ebirimu okuggumira n'okuwangaala.

Okuggumira

- a)
- b)
- c).....
- d)
- e)

Ebiwangaala

- a)
- b)
- c)

SSINIYA ESOOKA LUGANDA

- d)
- e)

1.1.2 Enjanda

ENNYANJULA

Mu ssomo lino ojja kuyiga ku njanda eziri mu maka oba abantu b'olinako oluganda. Enjanda zaawulwamu ebiti bibiri. Waliwo amaka nga twogera ku taata, maana n'abaana baabwe (Nuclear family). Ekiti ekyokubiri ge maka nga twogera ku bantu bonna be tulinako oluganda oba akakwate (Extended family).



Ekifaananyi ekisooka

SSINIYA ESOOKA LUGANDA



Ekifaananyi ekyokubiri



Ekifaananyi ekyokusatu




Ekyokukola ekyokuna: Okusoma n'okuwandiika

1. Mu bubinja oba nga muli babiribabiri wandiika enjanda ez'enjawulo nga bwe ziragiddwa mu bifaananyi ekisooka , ekyokubiri n'ekyokusatu.
2. Mu kitabo kyo eky'okuwandiika laga oluganda olulagiddwa mu bifaananyi ebyo..



1.1.2.1 Ekipande ekiraga enjanda

Soma n'obwegendereza ekipande ekikuweereddwa wammanga. Ekipande kiraga oluganda wakati w'abantu ab'enjawulo.

Ekipande ekiraga enjanda



SSINIYA ESOOKA LUGANDA



Ekyokukola ekyokutaano : Okuwandiika

Laga oluganda oluli wakati w'abantu bano .

ABANTU	Oluganda wakati waabwe	Abantu	Oluganda wakati waabwe
Maama eri Taata		Taata eri maama	
Nansereko eri maama		Nsereko eri maama	
Nsereko eri taata		Nansereko eri taata	
Namatovu eri Nansereko		Busuulwa eri taata	
Matovu eri Nansereko		Namale eri taata	
Namatovu eri taata		Kisekka eri taata	
Matovu eri taata		Nantale eri taata	
Namubiru eri taata		Namatovu eri Busuulwa	
Mubiru eri taata		Mubiru eri Busuulwa	

SSINIYA ESOOKA LUGANDA

Namubiru eri Matovu			Matovu eri Nantale	
Mubiru eri Matovu			Maama eri Kisekka	
Matovu eri Namatovu			Taata eri Namale	



Ekyokukola ekyomukaaga: Okusoma

Soma embooji eno wammanga

NALUMANSI



Nalumansi mwana nzaalwa
ya kukyalo ekiyitibwa

Muyomba. Ye mwana asooka ku baana omunaana aba ssaalongo Lubwama. Addibwako abalongo Wasswa ne Kato. Bano bombi bawanvu bazibu ate nga bannabutono. Wasswa ne ne Kato balina emyaka 33 ate nga Nalumansi wa myaka 35. Kizza yadda ku balongo bano. Kamyaa nadda ku Kizza olwo Kaggwa nadda ku Kamyaa ne kuddako Kityo olwo Kitooke n'aseembayo.

Nalumansi azaalibwa nnaalongo Nakitto ate nga ye nnaalongo azaalibwa omwami Kasule. Nnyina Nakitto ye mukyala Nalugwa. Nalugwa mukyala mukadde nnyo. Yazaala abaana munaana nga kuliko abalenzi bataano n'abawala basatu. Abaana ba Nalugwa bonna baafa okuggyako Kakande ne Nanfuka. .

SSINIYA ESOOKA LUGANDA

Wasswa yawasa emyaka esatu egiyise. Mukyala we ayitibwa Nassali. Nassali yamuzaalira omwana omwala omulungi ayitibwa Nantege. Okuva Nantege bwe yazaalibwa alwalalwala. Bamututte mu malwaliro ag'enjawulo naye tewali njawulo obulwadde bugaanye okuwona.

Kitaawe wa Nassali yagamba Wasswa nti kiyinzika okuba nga mwannyina Nassali ayitibwa Lukwago ye yamuloga. Wasswa bino olwabiwulira n'alumba mukoddomi we Lukwago. Lukwago kino yakyegaana n'alumiriza nti ssengaabwe y'aloge omwana.

Kino Wasswa kyamutabula okumala ebbanga kyokka ng'omwana yeeyongera kulwala. Lumu jjajjaawe omukyala yamuwa amagezi ensonga okuzitwala mu lukiiko lw'ekika era naye kye yakola. Mu lukiiko luno jjajja wa Nassali omusajja, jjajja we omukyala, bakojja b'omwana, ba ssenga be bonna tebaalutumira mwana. Ssaalongo Lubwama yatunuulira embeera muzzukulu we gye yalimu n'amukwatirwa ekisa. Y'asalawo okutunda ekitundu ku kibanja kye era ensimbi ezaavaamu yasalawo zikozesebwe okutwala omwana mu ddwaliro ekkulu e Mulago. Mu ddwaliro ekkulu e Mulago gye baakizuulira nti omwana yalina olukusense/ mulangira. Eno gye baamujjanjabira era n'awona bulungi.



Ekyokukola ekyomusanvu: Okuwandiika.

Weeyambise emboozi eyo waggulu oddemu ebibuuzo bino wammanga.

1. Emboozi eyo ekwata ku ki?.....
2. Ddamu onyumye emboozi eyo mu bigambo byo mu bufunze.
3. Leeta ekigambo kimu ekitegeeza ebigambo bino ebyeyambisiddwa:
 - a) Omwana asooka okuzaalibwa mu maka.....
 - b) Omwana adda ku balongo.
 - c) Omwana asembayo okuzaalibwa mu maka
 - d) Omukyala azaala maama wo.
 - e) Omusajja azaala kitaawo.
 - f) Omulenzi azaalibwa ne maama wo
 - g) Omwami azaalibwa ne kitaawo
 - h) Omukyala azaala nnyoko.....
 - i) Omusajja azaala kitaawo
 - j) Omusajja muganda wa balo

SSINIYA ESOOKA LUGANDA

- k) Omukyala azaalibwa ne kitaawo.....
4. Okusenziira ku mbooji eyo;
- Nalumansi ayita atya Nakitto?
 - Nalumansi ayita atya Nanfuka?.....
 - How does Oketcho call Nyafundo's child?
 - Wasswa ayita atya Kato?
 - Kato ayita atya Nakitto?.
 - Nassali ayita atya Nantege?
5. Nnyonnyola amakulu g'ebigambo bino nga bwe bikozeseddwa mu mbooji eyo:
- Okuloga
 - Okulumba
 - Bakojja
 - Okutunda.....
 - Olukusense.....

1.1.3 Emiwendo n'okubala

Ennyanjula

Mu ssomo lino ojja kuyiga emiwendo, okubala, ebiseera, okuwandiika ennaku z'omwezi n'amannya g'emyezi egikola omwaka.



Ekyokukola ekyomunaana: Okusoma

Soma embooji eno wammanga.

Emisinde abantu kwe bazaalira mu Yuganda

Yuganda y'emu ku nsi obungi bw'abantu gye businga okweyongera mu nsi yonna. Mu Yuganda omukyala asubira okuzaala abaana mukaaga bw'ogeraageranya ku mawanga amalala. Mu Ddisitulikiti y'e Mayuge eriyo omusajja omu agambibwa okubeera n'abakyala 12 ate abaana 61.

SSINIYA ESOOKA LUGANDA

We twogerera, Yuganda esuubirwa okubeera n'abantu abakunnukkiriza mu bukadde amakumi asatu mu mwenda. Singa buli musajja mu Yuganda abeera nga oli ow'e Mayuge ng'alina abaana 61 omuwendo gw'abantu mu Yuganda gwandibadde gweraliikiriza.

Kino kitegeeza nti mu buli katikitiki akayitawo, na buli ddakiika na buli ssaawa, na buli kiseera abantu bazaala. Buli wiki eyitawo okuva ku Bbalaza okutuuka ku Ssande okuva mu Gatonya okutuuka mu Ntenvu obungi bw'abantu bweyongera buli mwaka ebitagambika.

Abantu okweyongera obungi kirina obulungi n'obubi bwakyo. Naye okusoomoozebwa kusinga emiganyulo egikirimu Okugeza omusajja ow'abaana 61 ayinza obutasobola kubatusaako byetaago bimala n'okubayimirizaawo obulungi. Mu maka nga gano abaana baba balya bubi, basula bubi, bambala bubi era omuzadde ng'oyo ayinza obutasomesa baana abo bulungi mu ngeri esaanidde.

N'olwensonga eyo gavument ky'eva ekubiriza abantu okwettanira enkola ya Kizaalaggumba / entegeka y'amaka ennungamu. Abantu basaanidde bazaale abaana be basobola okulabirira obulungi. Kino kitegeeza omuntu obutazaalira kumukumu. Kitegeeza nti omuntu asana ayiseewo emyaka esatu oba ena nga tannaba kuzza ku mwana.



Ekyokukola ekyomwenda: Okuwandiika

Ddamu ebibuuzo bino wammanga.

1. Embooji eno ekwata ku ki?
2. Okusenziira ku mbooji eyo obungi bw'abantu mu Yuganda bwenkana ki?
3. Omuntu eyazaala abaana 61 ava mu ddisitulikiti ki?
4. Okuzaala abaana abangi kulina bizibu ki?
5. Okusenziira ku mbooji eyo Kizaalaggumba kitegeeza ki?

Ekyokukola ekyekkumi : Okuwandiika

Mu bulamu bwaffe obwabulijjo tweyambisa emiwendo mu negri nnyingi. Emiwendo egimu nga okuva ku 1, 2, 3, 20, 30, 100, 999 n'emirala giyitibwa miwendo egibala. Ng'oggyeeko emiwendo egibala tulina n'emiwendo gye tukozesa mu biwayi. Emiwendo gino giyitibwa bwe gityo kubanga giraga bifo oba ng'ebintu bwe bigenda biddiriŋŋana okuva ku gumu okudda ku mulala. Kuno kw'ogatta emiwendo egiraga ebitundutundu bw'ebintu nga $\frac{1}{2}$, $\frac{1}{2}$, $\frac{5}{8}$, $\frac{3}{4}$, $\frac{12}{100}$ $\frac{33}{50}$, 3.5, 134.098, 13%, 18% or 99.9%. Emiwendo gisobola okukozesebwa okulaga ebiseera, ennaku z'omwezi n'ebirala okugeza 12:30:15



1. Emiwendo gino giwandiike mu bigambo.

- a). 12
- b). 61
- c). 2016
- d). $\frac{1}{2}$
- e). $\frac{2}{3}$
- f). $\frac{3}{4}$
- g). 23.56
- h). 12%
- i). 83%

SSINIYA ESOOKA LUGANDA

2. Ebigambo bino biwandiike mu miwendo egibala.

- a) Emu
- b) Mukaaga
- c) Obukadde amakumi asatu mu mwenda

3. Wandika amannya g'ennaku za wiki mu Luganda.

.....
.....
.....

4. Wandika amannya g'emyezi mu Luganda.

5. Ebigambo bino bikyuse obizze mu Luganda.

i) , Second	xv) Night
ii) Minute	xvi) Ante meridiem (am)
iii) Hour	xvii) Post meridiem
iv) Time	xviii) Half-past
v) Day	xix) Quarter-past
vi) Week	xx) One
vii) Month	xxi) Ten
viii) Year	xxii) Twenty
ix) Dawn	xxiii) Hundred
x) Morning	xxiv) Thousand
xi) Noon	xxv) Ten thousand
xii) Afternoon	xxvi) One hundred thousand
xiii) Dusk	xxvii) A million
xiv) Evening	xxviii) A billion

6. a) Mu maka gammwe mulimu abaana bameka?

SSINIYA ESOOKA LUGANDA

b) Ggwe oli mwana wakumeeka mu bazadde bo?

c) Wazaalibwa ddi?

c) Olina emyaka emeka?

1.1.4 OKULAMUSA



Ekyokukola ekyekkumi n'ekimu: Ennono n'enneeyisa

- a) Omuntu ddi lwalina okulamusa?
- b) Lwaki abantu basaana okulamusa bannaabwe?
- c) Bintu ki abantu bye balina okugoberera nga balamusa bannaabwe?



Ennyanjula

Okulamusa kikolwa kya buntu abantu kye bakola kumpi buli lunaku. Kiraga era kinyweza obwasseruganda mu bantu. Abantu balamusa bannaabwe lwa nsonga nnyingi. Babeera baagala okumanya embeera bantu bannaabwe gye balimu. Okulamusa okumu kutegeeza kusiima omuntu omulala. Oluusi kubeera kusaasira munno. Ensonga esinga okubeera enkulu okulamusa mpisa ya buwangwa eraga obuntubulamu. Omuntu atalamusa banne ayogerwako ng'atali mugunjufu.

SSINIYA ESOOKA LUGANDA

Kissana kijjukirwe nti okulamusa kwa ngeri nnyingi okusinziira ku bantu ab'amawanga ag'enjawulo. Nga tonnaba kulamusa muntu sooka omany obuwangwa bwe ne gy'ava. Okulamusa era kusinziira ku biseera n'obukulu bw'omuntu gw'olamusa. Abantu abakulu balamusibwa bassibwamu ekitiibwa naddala ng'ababalamusa baana bato. Ekirala ekisaana okulowoozebwa bwe bukulu ku mirimu gyaffe. Omuntu ng'alamusa mukama we oba amusingako obukulu ku mulimu tamulamusa ng'omukozi omulala yenna gw'akola naye. Abantu nga tubalamusa tussaako ebitiibwa byabwe nga ssebo, nnyabo, mwami, mukyala, Ddokitaali, Ffaaza, Ssiisita oba ppulofeesa.



Ekyokukola 12: okuwuliriza n'okwogera

Soma okulamusaganya wakati wa Katongole ne nnyina.

SSINIYA ESOOKA LUGANDA

Maama: Nsanyuse okukulabako mwana wange.

Katongole: Kale nnyabo.

Maama: Olabiseeko?

Katongole: Ye nnyabo.

Maama: Eradde mutabani? Ng'otukedde?

Katongole: Tewali mutawaana nzize kubabuuzaako.

Eradde maama

Maama: Mwasuze mutya eyo?

Katongole: Gye tuli maama. Mmwe mwasuze mutya?

Maama: Tubadde bulungiko. Olweggulo nange mbadde nzija eyo.

Katongole: Mugyebaleko maama.

Maama: Kale nammwe mugyebaleko.

Katongole: Kale maama.



Ekyokukola 13: Okuwandiika

1. Bigambo ki ebiraga nti obudde bwa ku makya?
2. Budde ki obulala obwogeddwako?
3. Bnatu ki aboogeraganya mu mbooji eyo?
4. Bigambo ki ebyokwaniriza ebikozeseddwa?
5. Wandikayo okulamusa okulala okufaanana kuno ng'olaga nti obudde
(a) Bwa ku makya (b) Bwa ttuntu (c) Kawungeezi.
6. Mukoleyo akazannyo ka bantu babiri nga mubuuzaganya ku mukolo:

SSINIYA ESOOKA LUGANDA

- a) Ogwamattikkira / Embaga.
- b) Mu kufiirwa / Okulwaza
- c) Ku lumbe.
- d) Waliwo omwana azaaliddwa.

LUGANDA: SSINIYA ESOOKA

1.1.5 Ebbaluwa y'omukwano

Ebbaluwa y'omukwano y'ebbaluwa gye tuwandiikira oba gy'owandiikira mukwano gwo oba ow'oluganda okugeza maama, taata, muganda wo oba mwannyoko oba mukwano gwo. Eytibwa ya mukwano kubanga tebeera ntongole nti yakuweereza mu woofiisi. Ebbaluwa eyomukwano ebeerako endagiriro ya mulundi gumu nga ye y'omuwandisi, ennaku z'omwezi, okulamusa n'ekinyusi omubeera okulamusa, obubaka n'okuwunzika oba okufundikira.



Ekyokukola ekyekkumi n'ennya: Okusoma

Magezimuliro High School
A.K.P. 726,
Luweero .
12/Mukutulansanja/2015.

Taata Omwagalwa,

Nkulamusizza nnyo taata. Muli mutya eyo? Maama ali atya? Ate bato bange Ssenkusu ne Nnankusu? Nnage ndi bulungi eno ku ssomero.

Mpandiise ebbaluwa eno nga nkujjukiza olunaku lw'okukyalira abaana nga 18/ Mugulansigo/ 2015. Nkusaba bw'oba ojja ku olwo ondeetereyo ebyokulya ebimala wamu n'eb yokunywa. Taata tweerabira okujja ne bato bange Ssenkusu ne Nnankusu kubanga njagala okubalabako. Taata nsaba n'okundeeterayo ensimbi ez'okwekuumisa.

Nze muwalawo omugonvu,

Ttezira Namukasa.

Soma ebbaluwa eyo n'oluvannyuma oddemu ebibuuzo ebigikwatako.



Ekyokukola ekyekkumi n'ebitaano: Okuwandiika

- (1) Ani omuwandiisi w'ebaluwa eno?
- (2) Agiwandiikira ani?
- (3) Lwaki yagiwandiika?
- (4) Endagiriro y'omuwandiisi eriwa?
- (5) Yagiwandiika ddi?
- (6) Ayogera ku bantu ki abalala mu bbaluwa?
- (7) Omuwandiisi w'ebaluwa ayagala bintu ki?

1.1.6 Ebikoco

Ebikoco bukunizo obwakozebwanga okugezesa obwongo bw'omwana ebirina ebibuuzo n'ebiddibwamu. Waliwo amateeka ge bigoberera. Abuuuziddwa n'addamu mu butuufu ekimubuuziddwa ayita, ate oyo agudde ekikoco agaba ekyalo okusobola okumanya ekiddibwamu ekituufu okuva ew'oyo amubuuzizza ekibuuzo.

Mu mweso ogukuweereddwa wammanga ebiri mu A by'ebikoco ate ebiri mu B bye by'okuddamu.

A	B
Atambuza amagulu ana, natambuza abiri n'atambuza asatu.	Omuntu. Nga muto asooka kwavuula kumikono n'amagulu ku maviivi, bwakula n'atambuza amagulu abiri ate

LUGANDA: SSINIYA ESOOKA

	bwkaddiwa n'atambuza amagulu abiri ng'akutte n'omuggo.
Ebintu bisatu by'asomoka omugga. Omu yagulaba yagulinnyamu era n'aguyitamu. Omulaba teyagulaba, teyagulinnyamu naye yaguyitamu. Owookusatu yagulaba teyagulinnyamu kyokka yaguyitamu	Omukazi ow'olubuto ng'aweese omwana.
Kabi ddiba kabi nnyama kalungi mucuuzi	Ekikajjo



EKY'OKUKOLA EKIWUMBAWUMBA ESSUULA: EKYOKUBIRI



Oli mu ssiniya esooka mu lusoma olwokubiri. Kitutte akabanga nga towuliza mukwano gwo asomera e Kibibi Secondary Schoo.

Muwandiikire ebbaluwa ng'omutegeeza ku bino wammanga:

Olunakunaku lwo olwasooka ku ssomero gy'osomera.

Engeri gy'osanzeemu essomo ly'okubala

Ebimu ku bye musomyeko mu Luganda

Abayizi engeri gye beeyisaamu ku ssomero.

ESSUULA EYOOKUBIRI: EMBEERA Y'OBULAMU MU MAK

Essomo lino we linaggweerako ojja kuba ng'osobola okukola bino:


- Okumanya obuvunaanyizibwa bw'abantu ssekinoomu mu maka.
- Enkozesa y'ebigambo by'okwebaza abantu mu maka.
- Omugaso gw'ennyimba ezisirisa abaana abato.
- Okumanya ebintu ebikozesebwa mu maka.
- Okutegeera obungi n'obumu bw'amannya mu Luganda.
- Okunnyonyola emitendera egiyitibwamu okukola ebibajje, ebiruke n'ebyambalo by'Abaganda.
- Okumanya nti endabika y'Omuganda kye kitiibwa kye.
- Okutegeera ebiwanuuzibwa ku bintu ebimu ebikozesebwa mu maka.

Ebigambo eby'enkizo

- Obuvunaanyizibwa
- Ekitiibwa.
- Obuyimba obusirisa omuto
- Obumu
- Obungi
- Omugaso
- Omusono
- Ennyambala
- Ebyobuwangwa
- Ebiwanuuzibwa

Ennyanjula

Amaka kye kifo omubeera abantu ab'enjawulo era abaliba obuvunaanyizibwa obw'enjawulo. Mu maka mubeeramu ebintu ebikozesebwa okusobola okutuukiriza obuvunaanyizibwa obw'enjawulo. Ebintu ebisinga obungi bikolebwa mu ngeri za njawulo nga biriko n'emizizo ebigifuga. Abantu mu Buganda balina ennyambala ez'enjawulo n'ebiyambalo eby'enjawulo. Tujja kuba tusobola bulungi okulaba ennyambala y'Abaganda ebaweesa ekitiibwa.



Ekyokukola 01: Kusoma

1.2.1 Obuvunaanyizibwa bwa ssekinnoomu mu maka

Soma embooji eno n'obwegendereza n'oluvannyuma oddemu ebibuuzo ebigikwatako.

Amaka ga Kawere

Kawere abeera n'abantu b'omumaka ge ku kyalo Busimbi mu ddisitulikiti y'e Mityana. Musajja musuubuzi wa nte. Akeera nnyo nga tebunnalaba nga ssaawa mwenda ez'ekiro n'abakana n'olugendo olumutwala mu zi lufula ez'enjawulo. Mu busuubuzi bw'ente asobodde okuweereramu abaana be. Asobodde n'okwezimbira ennyumba mw'abeera n'abantu be. kyajje agulire abantu b'omumaka ge engatto n'ebiyokwambala ebibamala. abaana be basanyufu nnyo olw'okufaayo kwa kitaabwe. Buli wiiki afuba okulaba ng'abaana be balina ebyetaago by'essomero. Kawere afuba okulaba ng'abaana be abaliisa bulungi okugeza ku byennyanya n'ennyama.

Mukyala wa Kawere ayitibwa Namuli. Namuli mukyala mukozi nnyo era alina omukwano ogutagambika eri bba n'abaana be. afuba okulaba ng'afumba bulungi. Akeera nnawankya okusimba enva endiirwa, obummonde obuzungu, lumonde, muwogo n'ebirime ebirala bye balya awaka. Abaana be nga tebanneebaka afuba okulaba nga banaabyeko bulungi. Ku makya takkiriza baana be kwesisigiriza mu buliri kubanga baba balina okugenda ku ssomero

LUGANDA: SSINIYA ESOOKA

Abaana ba Kawere bajagujagu era bagezi ku ssomero obwongo bwogi. abantu ku kyalo baboogerako nti agaasaaka ge gattula. Baana bakozi nnyo. nga tebannagenda ku ssomero, basooka kukima mazzi maama gaanaakozesa okufumba, okwoza ebintu n'engoye, ag'okunywa n'ebirala. Abamu ku bo bagenda ku ssomero nga bamaze okulongoosa ennyumba n'okwera oluggya. Abalala bayoza ebintu ng'amasowaani n'amaseffuliya. Abawala bwe bakomawo akawungeezi bayamba ku nnyaabwe okufumba. Ennaku ng'olwomukaaga ne Ssande basennya enku ate abalala ne batwala ente n'embuzi ku ttale.

Kawere abeera ne bakadde be abamuzaala abayitibwa omwami n'omukyala ba Nnamutete. Mwami Nnamutete jjajja w'abaana ayagala nnyo oulimu gw'okulunda. Buli kumakya talutumirwa mwana bwe kituuka okutwala ente n'embuzi ku ttale. Ayambako okukama ente n'okuziba ku nkondo. Ate ye jjajja mukyala Namazzi Nnamutete mu kyala we anyumirwa nnyo okubeera ne bazzukulu be ng'abanyumiza engero. Buli kawungeezi abayita mu kasiisira ke nabanyumiza engero n'enfumo anti bagamba bukadde magezi takubuulira kyamukaddiya. Bazzukulu be banyumirwa nnyo engero n'enfumo zino kubanga jjajjaabwe azinyumya asavuwaza. abazzukulu buli lwe bajja mu nsiisiira basanga abategekede amenvu aga ssukaalindiizi. Anyumya engero, enfumo ebikokyo n'ebikokko. Olwokuba binyumira nnyo abato tabaleka nseko mu matama okutuusa otulo bwe tubabba ne beebaka. Bw'alaba bagenderera okwebaka, asikayo bulangiti ye n'ababikka n'zikiza ettaala okutuusa bwe bukya. Jjajja ono ayagala nnyo abato era abasanyusa.



- Bantu ki aboogerwako mu mbooji eno?
- Laga emirimu gy'abantu bano nga bwe giragiddwa mu mbooji.
 - Kawere
 - Namuli
 - Nnamutete
 - Nnamazzi
 - Bazzukulu ba Nnamutete.
 - Lwaki jjaja mukyala wa kyewuunyo mu maka?
 - Wandiiikayo ebikokko bibiri by'omanyi.
 - Menyayo kanyoolannimi wa mirundi ebiri.



Ekyokukola 03: Kwogera



- Mu maka abantu ssekinnoomu balina obuvunaanyizibwa obw'enjawulo. Olowooza ku maama ne taata ani asinga obuvunaanyizibwa?
- Abantu bano balina buvunaanyizibwa ki mu maka?
 - Maama
 - Taata
 - Abaana.
 - Jjajja
 - Kojja

LUGANDA: SSINIYA ESOOKA

- Ssenga



Ekyokukola 04: Kuwandiika

Kozesa ebifaananyi bino onyumye emboozi eraga abantu mu maka gammwe bye bakola okuva ku makya okutuusa olweggulo.



LUGANDA: SSINIYA ESOKKA



LUGANDA: SSINIYA ESOOKA



1.2.2: Ebisangibwa mu maka gaffe


1.2.3 Okumenya ebintu ebisangibwa ewaka



Ekyokukola 06: Kusoma, Kuwuliriza n'okwogera

Weetegereze ebifaananyi bino wammanga n'oluvannyuma oddemu ebikubuuziddwa.

1. Bintu ki by'olwooza nti byabulabe singa bikozezebwa bubu?
2. Nokolayo bibiri ku bintu ebiragiddwa mu bifaananyi onnyonnyole omugaso gwabyo.
3. Ku bino wammanga londau ebintu emisangibwa mu maka gaffe.



LUGANDA: SSINIYA ESOOKA



1.2.4 Obungi



Kozesa ebifaananyi ebyo waggulu oddemu ebibuuzo ebikuweereddwa.

- Wandiika amannya g'ebintu by'olaba mu bifaananyi.
- Wandiika amannya g'ebintu ebirala ebikozesebwa mu maka naye nga tebiragiddwa mu bifaananyi ebyo.
- Wandiika amannya g'ebintu bino mu bungi

MU BUMU	MU BUNGI
Entebe	
Emmeeza	
Ekikapu	
Omusumeeni	
Akambe	
Ekibbo	

- Laga emigaso gy'ebintu ebiragiddwa waggulu.

1.2.3: Ebiwanuuzibwa

Ebiwanuuzibwa biyamba okukuuma empisa okugeza: okussa ekitiibwa mu bantu, okwetangira obukaba, okwekuuma ng'oli mbeerera, obuyonjo n'empisa z'okulujjulo n'ebirala bingi. Kikulu nnyo mu bulamu abantu okulabulwa akabi akali mu mu kukola oba okulemererwa okukola ebintu ebimu. Ekiwanuuzibwa tteeka erikugira abantu ababeera awamu n'okwewala ebivve era ssinga wabaawo omuntu yenna mu bo akikola, atuukibwako akabi. Ekyokulabirako mu Basoga:

- (a) Abalenzi n'abasajja tebakomba mulawo era ssinga bagukomba, bamera amabeere ng'abakazi;
- (b) Tewali muntu yenna mu maka akkirizibwa kujja bulo mu kyagi mu budde obw'ekiro. Ssinga wabaawo akikola enjala egwa mu maka ago;
- (c) Tewali muntu yenna atuula ku lugali era ssinga alutuulako naddala omukazi, tazaala;
- (d) Omulenzi yenna oba omusajja tatuula ku kinu. Ssinga akituulako alwala empanama.



LUGANDA: SSINIYA ESOOKA

Londayo ebikozesebwa mu maka olage ebintu ebiwanuuzibwa ku byo. Okugeza ekinu omuntu bw'akituulako ayimpawa.

1.
2.

1.2.6 Ebintu ebikozesebwa mu byobuwangwa, ebibajje n'ennyambala

Essomo lino ligendereddwamu okukuyigiriza engeri ebintu ebikozesebwa mu byobuwangwa nga amafumu, obwambe, engabo, ebinu, n'ebirala gye bikolebwamu. Mu kino kijja kukibayamba okuyiga ebigambo/olulimi olweyambisibwa mu kwogera ku bintu eby'engeri eyo, n'embu z'ebigambo ko n'ezamanya, ebiseera, ate era ne kibayigiriza n'okunyumya ekijja okukuviiramu okuyiga okuwandiika embooji ennyuvu.

Okukola ekibajje oba n'ebiruke weetaaga okumanya bino:

- Ebikozesebwa ebyetaagisa.
- Obumanyi.
- Abakozi.
- Omugaso gw'ekintu ekyo ky'oyagala okukola.
- Akatale.

Okugeza okuluka ekiwembe ojja kwetaaga ejjambiya okutema ebitoo, obitwale ewaka, obitemeteme okusinziira ku buwanvu bye weetaaga, obyanike okumala ennaku ssatu oba nnya oluvannyuma otandike okubiruka ng'okozesa empiso esona n'obuso. Ekyo ng'okimaze ojja kubikomola byenkanenkane bulungi n'oluvannyuma ekiwempe kyo okitwale okitunde mu katale.



Ekyokukola 0 9: Kuwandiika

1. Leeteyo ebyokulabirako by'ebintu ebyobuwangwa ebisangibwa mu maka.

LUGANDA: SSINIYA ESOOKA

2. Funayo ekintu ky'obuwangwa kimu owandiike engeri gye kikolebwamu.
3. Ng'kolera wamu ne banno mufuneeyo ekyambalo oba eky'obuwangwa ekirala kyonna ekikolebwa mu Buganda munnyonyole engeri gye kikolebwamu.
4. Kozesa ebigambo ebitasukka 120

1.2.4 Eebyambalo by'Abaganda.



LUGANDA: SSINIYA ESOOKA



shutterstock.com · 624264119



Ekyokukola 10: Enneeyisa ne'ndwooza

Nga muli mu bubinja;

- a) Munyonnyole ebintu Abaganda kwe baalabiranga omukyala omulungi oba omwami omulungi.
- b) Endwooza y'abedda ku biraga obulungi bw'omuntu eyawukana etya n'eyaleero

LUGANDA: SSINIYA ESOOKA

1.2.5 *Ennyimba ezisirisa abaana/ Eziyimbirwa omwana yeebake.*

Ennyimba eziyimbibwa okusirisa abaana abato basobole okwebaka. Ennyimba zino zisobola okuyimbibwa bamaama, bayaaya oba omuntu omulala yenna avunaanyizibwa ku mwana omuto. Ennyimba zonna ezigwa mu kiti kino zeekusa nnyo ku bamaama mu ngeri emu oba endala. Ennyimba ziraga nti maama ariko emirimu gy'akyakola, oba akyaliko wala naye essaawa yonna akomawo amuwe ebbeere.

EKYOKULABIRAKO:

Mwana wa nnyabo,

Weesirikire.

Kye nnaalyako,

Nnaakuterekera.

Aaaaaaaaaaaaaaaaaaaaaaaaaa

Akaliga kaanywa taba!



Ekyokukola 11: Kuwandiika

Nga mukolera mu bibinja muyiyeeyo obuyimba obusirisa abaana, era mubuyimbiremu bannammwe.

Essuula 0 3: **EBIMERA N'EBIRIME GYE TUBEERA**

Oluvannyuma lw'essuula eno, osubirwa okuba ng'osobola:

LUGANDA: SSINIYA ESOOKA

- Okwawula ebimera eby'enjawulo n'emigaso gyabyo mu Buganda.
- Okumenya ebiseera eby'enjawulo mu mwaka omulimirwa emmere n'engeri gye bikosaamu eby'obulimu.
- Okunnyonnyola emitendera gy'okulima emmere, okugikuuma, n'okugitereka nga tevunze.
- Okunnyonnyola obukodyo obuyinza okukozesebwa okwongera ku bungi bw'emmere.
- Okwogera ku mizizo egikwata ku kulima emmere, n'okugikungula mu Buganda.
- Okuwandiika olukalala lw'emmere, n'emitendera egiyitibwamu okutegeka emmere.

Ebigambo eby'enkizo mu ssuula

- Ebiro/ebiseera by'omwaka
- Emmere erimwa nga ya kuliibwa
- Enkuuma y'emmere
- Emizizo ku mmere
- Olukalala lw'emmere/Ebijulo ebitundibwa
- Ebirungo
- Emmere erimwa nga yakutunda
- Ebigambo ebirina amakulu agafaanagana
- Enfumba/Enteekateeka y'emmere

Essuula mu bufunze

Omulamwa gw'essuula eno kwe kulaba ng'ofuna okumanya ebikwata ku birime, ebimera, enfumba n'enteekateeka y'emmere mu ngeri eyaffe enjanda, ng'ogigeraageranya n'enkola ey'ekizungu. Ekiruubirirwa oyige obukulu bw'ebimera, ebirime, ebiseera ebirimirwamu, n'obukodyo obweyambisibwa mu kulima, ssaako enkuuma y'emmere. Osuubirwa okuyiga olulimi lw'ebyobulimi, amannya g'ebimera, n'emizizo egikwata ku mmere.

1.3.1: Emmere erimwa okuliibwa n'eyokutunda

Amawanga gonna mu nsi gaba n'emmere buli ggwanga n'emmere yaalyo, okugeza mu Buganda toyinza kwogera ku mmere n'otoyogera ku ttooke, era buli ggwanga lirina enva zaalyo lye ziwoomerwa, ate era buli ggwanga lirina ekyokunywa kye liwoomerwa. Mu byokulya n'ebyokunywa ebya buli ggwanga mulimu emiganyulo egitali gimu abantu ababyettanira gye bafuna mu kulya n'okunywa ebintu ebyo. N'olwekyo mu Uganda kye tiva tubeera n'ebirime ebyenjawulo nga, amatooke, twagoogeddeko dda, kasooli, muwogo, obulo, omuwemba, ebinyeebwa, n'ebirala.

LUGANDA: SSINIYA ESOOKA

Kyokka yadde ng'ekyo kiri bwekityo, mu bitundu bingi eby'eggwanga balina ebirime si lwakulya kyokka, wabula babirima n'olwokutunda, ate waliwo n'ababiwaanyisaamu bafune kye baba batalina. Mu ngeri eyo ebirime nga, emmwanyi, ppamba, caayi oba amajaani, n'eqqano, tebirimibwa kuliibwa wabula okubifunamu ensimbi. Ebirime ebigwa mu ttuluba bwerityo bye tuyita ebirime eby'ensimbi/eby'ettunzi. Ate biri ebirala ebirimibwa okuliibwa era tubiyita ebirime eby'okulya.

Kyokka ate singa oba ogenderedde, olaba nti buli ggwanga mu Uganda lirina ekirime nga kyo kyalyo, kye basinga okwettanira okulima, okulya, oluusi n'okutunda. Ne mu maka gaffe tulya emmere eyenjawulo, ng'emu tugyerimira, ate endala ne tugula ngule okuva ku byalo oba n'ebitundu ebituliraanye.

Ekyokukola ekisooka (01): Kuwuliriza na Kwogera

	2 Picture of matooke	
Picture of millet 3	Picture of irish potatoes 1	Picture of coffee seeds 5
Picture of cotton garden 10	Picture of rice field 6	Picture of cassava tubers 8
Picture of beans 9	Picture of maize 4	Picture of tea field 7

1. Menya ebirime ebiragiddwa mu bifaananyi.
2. Birime ki ebirimwa olw'okufunamu ssente?
3. Ate birime ki ebirimwa okuliibwa n'okufunamu ssente?

LUGANDA: SSINIYA ESOOKA

1.3.2: Ebiseera n’emitendera by’okulima emmere, n’entereka yaayo.

Picture of student reading	Ekyokuokola ekisooka: Kusoma
----------------------------	------------------------------



Ekyokukola 02: Kusoma

Ebiseera bya ttoggo (enkuba w’etonnyera nga ya muggundo/nga nnyingi), liba ssanyu jjereere mu bantu abategeera eby’obulimi, kubanga olwo ebyokukola mu nnimiro biba birabise, era n’abaana abasoma baba balina okukeeranga ennyo ne babaako kye bakola mu nnimiro mu ngeri y’okuyambako bazadde baabwe nga tebannagenda ku ssomero. Kyokka ate yadde nga ekyo kiba bwekityo, waliwo abawulira ng’okutuuka kw’ebiseera ng’ebyo kuba kubamalako emirembe. Abo nno be bangalobunani, abataagala kukola, oba bayite bamulyannimire. Be basajja b’osanga nga beebase emboleera, bakazi baabwe babaleka mu buliri bo ne babagalira enkumbi, n’ebikola ebirala ne boolekera ennimiro.

Mu Uganda buli kitundu kirima ebirime byanjawulo ku by’ekitundu ekirala olw’enjawukana mu mbeera y’obudde, n’ebiseera ebirimirwamu. Okutwaliza awamu mu Uganda tulina ebiseera bya mirundi ebiri, ekiseera ekya ttoggo, (enkuba w’etonnyera nga nnyingi nnyo), n’ekiseera ekya ddumbi, (akasana we keememulira ennyo oba kye tuyita ekiseera eky’ekyeya). Awo nno ebitundu ebimu bifuna ekiseera ky’enkuba nga kiwanvu okusinga ku ky’ekyeya, ate ebirala ne bifuna ekiseera ky’ekyeya nga kye kiwanvuko.

Kyokka n’ekiseera ky’kyeya naky’okirina ebikikolerwamu. Abamu kino kye kiseera mwe bakungulira ebirime ng’omuwemba, era mu kiseera nga kino abantu abamu mu byalo gye baba mu kukungula ebirime batambula kyalo ku kyalo nga banoonya emirimu gy’okukungula ebirime kubanga mu kiseera kino tewabaawo nnyo kirala kikolebwa olw’okuba nti ettaka liba kkalu nnyo ng’okulima tekusoboka. Wano mu Buganda ekiseera kino kiba kya kusambula bisambu nga twegekera enkuba egende okutonnyera nga we tunaasiga wateeketeke bulungi. Ekiseera eky’ekyeya kibeerawo mu mwezi gwa July, era y’ensonga lwaki omwezi guno guyitibwa Kasambula mu Luganda, kuba tugambye nti kye kiseera eky’okusambula.

Picture of rainfall (heavy) with healthy crops e.g. good banana plants	Picture of drought or dry ground – showing drought resistant crops
---	---

Olw’enkyukakyuka mu biseera n’embeera z’obudde, abantu balima okusinziira ku nkuba oba omusana bye bafuna. Ebitundu ebifuna ebiseera by’enkuba nga biwanvuko, kati nga wano mu

LUGANDA: SSINIYA ESOOKA

Buganda, abantu balima ebirime nga, amatooke, n'emmwanyi, ate abafuna enkuba entono ng'ekiseera ky'ekyeya kye kisinga obuwavvu, kati mu bitundu ng'ebya Ankole, Bugisu, ne mu bukiikakkono, abaayo balima ebirime ebyo byokka ebisobola okugumira ekyeya nga, obulo, lumonde, omuwemba, ne muwogo.

ENNIMIRO YA MUKASA



Mukasa y'omu ku balimi abakukuutivu mu Gombolola y'e Kimenyedde. Mukasa amanyidde ddala ddi lw'asimba, lw'akungula era n'okutereka byaba alimye.

Ku ntandikwa y'omwaka guno ng'enkuba tennatandika kutonnya, yasambula ekisambu ekiwerako obunene bwa yiika ttaano. Buli omu yeesunga okulaba kiki kye yali agenda okukolera mu kifo kye yali asambudde.

Tewayita kiseera kinene Mukasa n'akuŋŋaanya ab'omu maka ge olunaku lulamba. Baggyayo ensawo n'ensawo z'ebinyebwa nebatandika okubikuba okuva mu bikuta.



LUGANDA: SSINIYA ESOOKA

Nga wayiseewo ssabbiiti nga ziizo oluvannyuma lw'okukuba ebinyeebwa, enkuba yatandika okutonnya. Mukasa yayanguwa okugenda ku kifo kye yali asambudde n'atandika okutema amavuunike ennimiro yonna. Mukasa yali mwegendereza nnyo kubanga mu lulimi Oluganda bagamba nti "K'onooweeka, tokalinda kusaaba ttaka."

Naye ennimiro ye teyaterererawo bwe basooka okulima olusooka, Mukasa ennimiro yasoka n'agireka omuddo gusobole okuvunda okumalira ddala omwezi gumu. Naye era enkuba yeyongera okutonnya naye nga ntonotono.

Nga wayiseewo ennaku asatu, Mukasa yaddayo ate okulima ennimiro omulundi ogwokubiri. Yakizuula nti omuddo n'amakoola byali byatandika dda okuvunda naye era Mukasa teyali mumativu yaddamu okulima ennimiro omulundi ogwokusatu. Mu kiseera kino amakoola n'omuddo byali bivundidde ddala era nga n'ennimiro efaananira ddala bulungi era ng'etuuse n'okusimbwamu.

Mukasa yali mwegendereza kubanga ekinyeebwa kimera ekirina okukwatibwa n'obwegendereza era kyetaaga n'okusimbibwa mu ttaka eddungi.

Nga wayissewo ssabbiiti emu n'oluwannyuma lw'okulima omulundi ogwokusatu, Mukasa n'abomunyumba bonna baagenda mu nnimiro okutandika okusimba ensigo z'ebinyeebwa. Kyatwalira abawaka ba Mukasa ssabbiiti nnamba okusobola okusimba yiika ettaano.

Mukasa yalaga obumalirivu okusobola okufuna ebirungi mu kufuba kwe. Nga wayiseewo ssabbiiti emu oluvannyuma lw'okusimba ensigo z'ebinyeebwa, zaatandika okumera. Nga wayiseewo ssabbiiti bbiri ng'ebinyeebwa byakamera Mukasa yatandika okufuuyira ebinyeebwa. Ebinyeebwa yabifuuyira emirundi ebiri buli mwezi.

Ng'oggyeeko okufuuyira Mukasa yeegattibwako ab'omu maka ge ne bakoola ebinyeebwa nga baggyamu omuddo n'ebimera ebirala ebiteetaagisa mu nnimiro y'ebinyeebwa. Okukoola n'okufuuyira byakolebwa muddiriŋŋanwa okutuusiza ddala ng'ebinyeebwa bituuse okukungulwa.

LUGANDA: SSINIYA ESOOKA



Nga wayiseewo emyezi esatu, ebinyeebwa byali bituuse okukungulwa.

Mukasa yakungula ensawo ezisoba mu nkaaga mu essatu ez'ebinyeebwa. Okusobola okubikuuma nga tevivunze Mukasa n'aboomunnyumba ye baasomba ne baanika ebinyeebwa mu ppereketya wómusana okumalira dadala ennaku eziwerako.

Oluvannyuma lw'ekyo yagula ensawo enkalu eziwerako nazijjuza ebinyeebwa. Ensawo ezimu yazitereka mu byagi ate endala n'azireka mu materekero agaali ku nnyumba ye.

Ku nkomerero Mukasa yatunda ensawo z'ebinyeebwa ebisunsule amakumi asatu era n'afunira ddala omudidi gw'ensimbi. Ensimbi zino ze yakozesa okusobola okulabirira ab'omu maka ge awamu n'okusasulira abaana be ebisale by'essomero.



Ebinyeebwa ebimu byaliibwa ng'enva ate ebirala n'ebiterekebwa ng'ensigo ez'okusimba mu masimba agaddako.



Ekyokukola 03: Kuwandiika

- a) Ku muko gw'olupupula gumu, wandiika emitendera egiyitibwamu okulima ebinyeebwa.
- b) Olowooza lwaki Mukasa yayita mu mitendera gino.
 - (i) Okusambula ekisambu
 - (ii) Okuddiŋŋana okulima ennimiro
 - (iii) Okwanika ebinnyeebwa?
- c) Oyinza okunokolayo ekirime kimu ekirimwa mu kitundu mw'obeera? Mitendera ki egiyitibwamu okusobola okukirima.
- d) Mu ndowooza yo, migaso ki abalimi b'omu kitundu kyo gye bafunye nga bayita mu kulima ekirime ky'oyogeddeko mu (d) waggulu.
- e) Wa emitendera egisangibwa mu:
 - (i) kukungula
 - (ii) kutereka ekimera kyoyogeddeko waggulu
- f) Kitundu ki ekyekinyeebwa ekyeyambisibwa mu kusiga?

1.3.3: Entekateeka y'emmere n'ebijjulo

Amawanga ag'enjawulo mu Uganda galina enkola zaago ez'enjawulo ze gagoberera mu kufumba n'okuteekateeka emmere. Entekateeka eno esenziira ku muteesiteesi w'emmere ky'ayagla, n'ebimuwoomera nga ye, ate n'obuwangwa bwe kye bugamba. Empooma y'emmere yo esenziira ku bbanga emmere ly'emala ng'etegekebwa, ekika ky'emmere, ate n'ebirungo ebyeyambisiddwa mu kugiteekateeka. Wano mu Buganda enva ezifumbiddwa mu luwombo zaagalwa nnyo era emirundi mingi oluwombo terubula ku bikolo gyaffe egy'obuwangwa naddala egy'essanyu nga okwanjula, n'embaga. Naye abaffe, Omuganda atekateeka atya oluwombo oluwoomu luno? Katutunuulire ensiba n'enfumba y'oluwombo olw'enva ez'ebinyeebwa.

Tufuna ebinyeebwa byaffe nga bisekule bulungi temuli yadde empulunguse, ne tufuna endagala ez'empombo, (zino ziba ndagala nga ntoototo, ne tuzibabulako ku muliro katonu oba okuzaanikako mu kasana), tuteekateeka ebyayi bye tunaasibisa oluwombo lwaffe, ssaako entamu mwe tunaasaaniika oluwombo, oba oluusi tulusibira ku mmere endala eba efumbibwa.

LUGANDA: SSINIYA ESOOKA

Eby'okukozesa byonna nga tumaze okubifuna, oddira ebinyeebwa byaffe biri n'obiya mu lulagala lwaffe oluwotoseeko, n'ossamu amazzi matonotono, teekamu ebirungo by'oyagala naye okusinga akatungulu n'ennyanya tebibulamu, omulala ayinza okussaamu akatiko akabaala, omunnyo ogw'ekigero, awo wumbawumba olulagala lwaffe n'obwegendereza obutaluyuzi. Ng'omaze okuwumba olulagala lwaffe bulungi n'ebirulimu, lusibire wagguluggulu ng'olukoozeemu obulago okufaanako n'obwendeku. Kati olwo lwe luwombo oluwedde okusibwa.

Omutendera gw'okufumba oluwombo nga gutuuse, kwata oluwombo olusse mu ntamu, bwe luba lwakufumba lwokka, oba lusibire ku mmere endala gy'otegese okufumba. Funa entamu mw'ogenda okufumba ogitindire bulungi n'emizihoonyo oba ebikolokomba. Saaniika, entamu eggumire bulungi, giteeke ku masiga, kumamu omuliro ogumala. Omuganda agamba nti, "Entamu ewulira muliro gusooka". Entamu bwetandika okuyisa omukka, ng'olwo omanyi nti oluwombo lwaffe lusemberedde okuggya, era oluwaayo eddakaika endala ntonotono, ng'ojjula. Eyo y'enteekateeka n'enfumba y'oluwombo mu Baganda.



Ekyokukola ekyokuna (04): Kwogera n'okuwuliriza



Weekenneeny ebifaanyi by'emmere ebyo waggulu n'iluvannyuma,

Nga mukolera mu bibinja, oba babiribabiri mulondeko ekika ky'emmere kimu munnyonyole emitendera egiyitwamu okuteekateeka n'okufumba emmere eyo gye mulolonzeeko.

LUGANDA: SSINIYA ESOOKA

1.3.3 OKUGABULA EMMERE EY'EBIKA EBITABULE/EKIJJULO

Mu Uganda enteekateeka y'emmere n'engabula yaayo ekyukakyuka okusinziira ku buli ggwanga. Naye mu mawanga agasinga obungi omuteesiteesi/ omufumbi w'emmere aba mulala, ate n'agisoosootola, oba okugigabula naye n'aba mulala. Naye wano mu Buganda omukyala mu maka, oba maama y'avunaanyizibwa ku kuteekateeka, okufumba, n'okugabula emmere mu maka, okuggyako mu mbeera nga maama agenderera okuyigiriza omwana ow'obuwala okufumba. Naye enkola eyawukanamu mu bifo ewatali waka gamba nga mu woteeri, ku mikolo, ne mu birabo by'emmere.

Ebika by'emmere ebigabulwa(ekijjulo) ng'essaawa y'okulya etuuse bikyukana okusinziira ku maka oba ekifo omuntu w'alidde emmere. Okugeza mu maka agamu bayinza okugabula ekijjulo nga kuliko emmere yangeri emu, gamba amatooke n'ennyama, oba akawunga n'ebijanjaalo, okwo ne bakuweerako eggiraasi y'amazzi, oba obutunda. Enteekateeka ey'engeri eno, kye kiyitibwa ekijjulo. Mu Buganda ekijjulo ekijjudde tekibulako ttooke, lumonde, balugu, oba kyetutumula, enva endiirwa n'ennyama, okwo n'onywerako eggiraasi y'amazzi oba omubisi.

Kyokka eby'okugabula emmere ey'ebika ebitabike (ekijjulo) bisinga kwettanirwa nnyo mu mawooteeri, n'ebirabo by'emmere, mpozzi ne ku mikolo. Olukangaga luno wammanga lulaga ebijjulo by'emmere ey'enjawulo n'omuwendo gwa buli kijjulo. Lwekenneenye bulungi.

1.3.4 EBIJJULO N'EMIWENDO GYABYO MU WOOTEERI YA SSEKASI

EKY'ENKYA	
Ebigenderako	Omuwendo/ssente
Caayi omukalu	1000/=
Caayi ow'amata	1500/=
Ggama y'obuugi	2000/=
Kabalagala	200/=
Omunwe gwa gonja (omwokye)	1000/=
Ennyama enjokye (oluti)	5000/=
Omunwe gwa kasooli (omwokye)	1500/=
Ebinyeebwa (olubatu)	1500/=
EKYEMISANA	
Ebigenderako	
Amatooke n'ennyama	5500/=
Amatooke n'enkoko	12,000/=
Lumonde n'ebinyeebwa	10,000/=
Emmere yonna n'ennyama	15,000/=
Emmere yonna n'enkoko	15,000/=
Emmere ey'omuttaka n'essuppu	12,000/=
EBYOKUNYWA	
Ebigenderako	

LUGANDA: SSINIYA ESOOKA

Eggiraasi y'amazzi	500/=
Ggama y'omubisi	3000/=
Eggiraasi y'obutunda	1500/=
Olwendo lw'amazzi	3000/=



Ekyokukola 04: Kuwandiika

Nga weeyambise olukangaga olwo waggulu ddamu ebibuuzo bino wammanga.

- a) Omuntu yeetaaga ssente mmeka okugula ekyenkya ekiriko bino wammanga:
 - (i) Caayi w'amata n'omunwe gwa kasooli.
 - (ii) Oluti lw'ennyama ne caayi omukalu
 - (iii) Ggama y'omubisi n'eminwe gya gonja ebiri.
- b) Singa omuntu aba ayagala okulya eky'emisana eky'amatooke n'enkoko ssaako ggama y'omubisi, kimwetaagisa kuba na ssente mmeka?
- c) Mmere ki ekinga okuba ku ssente entono mu wooteeri ya Ssekasi?
- d) Maama wo akuwadde ssiringi omutwalo gumu n'ekitundu mu bitaano (15,500) weegulire ekyemisana, kyokka ate oyagala ofisseewo ku kasente. Onoolya kyamisana kya ngeri ki mu wooteeri ya Ssekasi?

1.3.5: Enkozesa y'enkuluze

Ekyokukola ekyomusanvu (07): Kusoma n'okuwandiika

Soma ekitundu kino wammanga oluvannyuma ebigambo ebisaziddwako obisikize ebirala ebirina amakulu ge gamu.

OKULYA

Abaganda tugamba nti, 'Oluganda kulya, olugenda enjala terudda'. Amakulu nti omuntu bw'omumma ekyokulya ate ng'okirina enkolagana yammwe n'omuntu oyo gw'ommye ekyokulya ekosekamu. Naye ate okulya tekirina kutumaIamu era okwagala ennyo okulya tekiraga bugunjufu. Omuntu alina okulya ekisaanidde so si kulya kafankunaayi, kubanga omuntu okulya

LUGANDA: SSINIYA ESOOKA

n'apinduuka kiyinza okumuviramamu obuzibu obutali bumu gamba nga, **okukuba empiiyi**, ekintu ekiswaza ennyo, oba oluusi n'okufuna embiro.

Ekyokukola ekiwumbawumba essuula 1: Kukubaganya birowo


Essomero lyo litegese empaka z'okukubaganya ebirowoozo okwawamu ng'okuvuganya kuli wakati w'ebibiina ng'omutwe gw'okukubaganyaako ebirowoozo gugamba nti,

ENNIMA, ENTEREKA N'ENTEREKA Y'EMMERE EY'EKINNANSI Y'ESINGA KU Y'OMULEMBE GUNO"

Ekibiina kyo kiwagira endowooza eyo. Ng'oli ne banno mutegeke okwetaba mu kuvuganya okwo. Buli omu ajja kuba alina okubaako ky'akola mu kukubaganya ebirowoozo okwo.

1. In your group, brainstorm on the different traditional methods of crop growing,

Munoonyereze ku mutwe ogwo nga mwebuuza ku bazadde abasomesa n'abantu abalala abalina kye bamanyi ku by'ebirime n'emmere. .



ENNYINGO EYOOKUNA: EBINYONYI N'ENNUNDA YAABYO

Oluvannyuma lw'essomo lino ojja kuba:

- Omanyi ebisolo ebinyonyi n'ebisolo ebirundwa ewaka.
- Ofunye okumanyisibwa ku bikwatagana n'okulunda ebisolo n'ebinyonyi.
- Otegedde omugaso oguli mu kulunda ebisolo n'ebinyonyi ewaka.
- Otegedde emizizo egyekuusa ku bisolo n'ebinyonyi bye tulunda ewaka.
- Omanyi ezimu ku ndwadde ezitawaanya ebisolo n'ebinyonyi ebirundirwa ewaka, n'engeri gye tujjanjabamu endwadde ez,engeri eyo mu Buganda.
- Okitegedde nti ebisolo n'ebinyonyi nabyo birina eddembe ly'obwebange nga naffe abantu.
- Osobola okunnyonyola engeri ebisolo n'ebinyonyi gye biwangaalamu n'abantu eyo ku byalo gye tubeera.
- Oyize engero, n'ebisoko ebikwata ku binyonyi n'ebisolo.


Ebigambo eby'enkizo

- Emizizo
- Obubonero obulanga enddwadde
- Obubonero bw'empandiika
- Ebimera
- Ebisolo/Ensolo
- Engero
- Ebisoko

Obutonde bw'ensi etwetoolodde mulimu ebimera n'ensolo ebyabuli ngeri. Mu ssomo lino ogenda kuyiga ku binyonyi n'ensolo ebisangibwa mu kitundu kyo, ate n'okusingira ddala mu maka. Mu maka tulinamu ebinyonyi n'ensolo bya bika byanjawulo, ate nga n'emigaso gyabyo nagyo gyawukana. Okugeza, enkoko, ssekkokko, embaata, enjiibwa, amayiba, kamunye, njaali, endegeya, ebiwuugulu, namunjoona, embuzi, endiga, ente, embwa, kkapa, empologoma, engo, enjovu, enkula, embogo, enkima, emmese, n'ebirala. Ebimu ku bisolo bino n'ebinyonyi bitambuza endwadde, ate ezikwata ebisolo ne binyonyi binnaabyo ebirala. Mu Buganda waliwo enzijanjabwa y'obuwangwa eyeeyambisibwa okujjanjabwa endwadde eikwata ebisolo n'ebinyonyi, kyokka ate waliwo n'enzijanjabwa empya ey'ekizungu.

Ebisolo n'ebinyonyi nabyo birina eddembe lyabyo ery'obwebange nga naffe abantu. Byetaaga okuliisibwa, okujjanjabwa, okuziimbirwa we bisula, n'okukuumibwa/okutaasibwa eri obulabe. N'olwensonga eyo osaanye okufaayo okulabirira ebinyonyi byo n'ebisolo.

1.4.1 Ebinyonyi



Eky'okukola Ekisooka

Weekenneenyebifaananyi bino n'oluvannyuma oddemu ebibuuzo ku byo.



Luganda Ssiniya Esooka



Muscovy Duck (Male)
© 2011 Photo courtesy of Murray Penney (murray@instrumentscanada.com)



1. Omanyi kinyonyi ki mu ebyo ebiragiddwa mu bifaananyi?
2. a) Menya ebinyonyi by'omanyi ebirundibwa ewaka.
b) Wandika amannya g'ebinyonyi byonna by'omanyi ebitalundibwa waka.
c) Gerageeranya enkalala z'owandiise mu (a) ne (b) waggulu, n'ezabanno abalala. Mulina ebyokuddamu byebimu? Oba waliwo ebinyonyi ebipya by'obadde tomanyi?

FFAAMU YA KINTU



Kintu abeera ku kyalo Kirinnyabigo. Alunda enkoko wamu ne ssekkokko. Kintu alina enkoko 3200. Ezising a obungi ku zo nseera mpozzi n’obwana bwazo. Sseggwanga ntono nnyo. Kintu ayagala enkoko lwa nson ga eziwerako. Azitunda, kko n’amagi gaazo n’afunamu ssente/ejjamba. Ate n’okulya alyako, naddala bwa funa abagenyi, enkoko ze zikola ng’enva.

Naye weewaawo afunye nnyo mu mulimu gw’o kulunda enkoko, Waliwo ebimusoosooza. Ebigereesebw a nti ebibe bitya nnyo, ewa Kintu tebikola, kuba ebibe bimumalidde enkoko. Ekitono ennyo buli mwezi e bibe birya enkoko bbiri. Ng’oggyeeko ebibe, emirundi mingi enkoko zirumbibwa ebirwadde. Okujjanjaba ebirwadde ebyo kifuula omulimu gw’okulunda enkoko okuba omuzibu ennyo. Ebinyonyi ebirala eby’omu nsiko nga, magga, empungu, ne kamunye, nabyo birya obukoko obuto. Oluusi era kiba kizibu okufuna ak atale k’amagi kubanga abalunzi abalala nabo abalunda enkoko bangi. Ate ebiseera ebirala emiwendo gy’ ebikozesebwa mu kulunda n’okuliisa enkoko gibeera waggulu nnyo.

Ku ludda olulala, omulimu gw’okulunda ssekkokko gwo gwandiba omwanguko. Kintu alunda ssekkokko e zisoba mu 1100.



Anyumirwa okutunuulira ssekkokko empanga nga zizannyisa ebiwaawaatiro byazo mu ngeri eringa ey’o kweraga n’okwewulira. Era Waliwo n’enjogera egamba nti “weewulira nga ssekkokko” Nga bwekiri ku n koko ne ssekkokko Kintu azifunamu bingi. Afuna ssente nnyingi ng’atunda ssekkokko ezikuze naddala ku nnaku enkulu nga Olwamazuukira, ne ku Ssekukkulu. Ate era nazo zennyini alyako, ko n’amagi gaazo.

Naye ate obutafaananako n’ankoko ssekkokko zeetagisa ssente nnyingi okuzirunda. Enkoko weetwalira e nnaku abiri mu olumu okwalula, ssekkokko etwala ennaku amakumi ana. Ekyokubiri, oluvannyuma lw’ok walula, emikisa gy’obwana bwa ssekkokko okukula mitono nnyo bw’ogigeraageranya n’egyobwana bw’e nkoko. Mu kwalulwa, bussekkokko obuto bufa mangu okuggyako nga bulabiriddwa bulungi. Ekyokusatu, abantu mu byalo tebalya ssekkokko, olwensonga nti zigula buwanana. Mu ngeri eyo ssekkokko ziyinza ku tundibwa mu bibuga so si mu byalo. Ekyokuna, okufaananako n’enkoko, ssekkokko nazo zibibwa nnyo n addala mu biseera by’ennaku enkulu, n’olwekyo obukuumi obwenjawulo bwetaagisa. N’ekisingira ddala ssekkokko zitaayaaya nnyo okusinga enkoko ,era bwozireka ku bwazo zokka tezidda waka. Omuntu alina okuzinoonya. N’ekisembayo, ssekkokko zirya nnyo okusinga enkoko n’olwekyo okuzirunda kyetaaga oku ba n’emmere ng’ewera.



Ekyokukola 02: Kuwandiika

1. a) Okusenziira ku kitundu ky’osomye, okulunda ebinyonyi kulina migaso ki?
b) Waliwo obuzibu bwonna obusangibwa mu kulunda ebinyonyi? Menyayo butaano.
2. Leetayo endwadde bbiri ezikwata enkoko, era olage n’enzijanjabab y’endwadde ezo.

3. Kuba ekifaananyi ky'ekinyonyi ekirundibwa awaka era olage ebitundu byakyo byonna n'amanny a agabiyitibwa.

4. Wandiiika ebinyonyi eburundibwa awaka bitaano (5), era olage n'amannya agayitibwa obwana bwa buli kinyonyi.

1.4 .2: Engero ensonge, Ebisoko n'enjogera

Kintu yagambye nti mu lulimi lwe oluzaaliranwa bagamba nti, "weewulira nga ssekkokko." Mu Lungerez a bo bagamba nti, "weewulira ng'ennyonyi Muzinge." Bino byakulabilako eby'enjogera ez'amagezi. Wali yo enjogera ez'amagezi bwezityo endala nnyingi, nga n'ezisinga okumanyika mwe muli, ebisoko, olulimi olugeraageranya, n'engero. Waliwo n'enjogeraez'amagezi ezikwata ku binyonyi ze tukozeza mu bitundu byaffe gye tuva. Okugeza nga zino wammanga:

- Ennyonyi enkeeze, y'erya olusiriwanyi.(Lugero)
- (Akanyonyi) Akeezimbira, tekaba kato.(Lugero)
- Eyeemanyi amalwalira, tatta aali.(Lugero)
- Sseggwanga gy'akoma okwereege, n'emiwula.(Lugero)
- Amaaso gamumyuse nga ag'endegeya.(Lulimi olugeraageranya)
- Amagulu gamulinga aga Maaya. (Lulimi olugeraageranya)
- Akataayi tekaasala na kkubo.....nga..... (Kisoko)



Ekyokukola 03: Kuwuliriza n'okwogera

1. Okwongereza ku njogera ezo waggulu, Leetayo:

- a) Engero kkumi.
- b) Enjogera mu lulimi olugeraageranya kkumi.
- c) Ebisoko kkumi.

Byonna ebyo nga bikwatagana ku binyonyi mu lulimi oluzaaliranwa. Oli waddembe okwebuu za ku bantu b'omu kitundu kyo gy'obeera, ne bakulu²² amya ku by'okuddamu.

1.4.3: Ebisolo



Ekyokukola 04: Kuwandiika



1. Mu bifaananyi bye bisolo ebyo waggulu londamu ensolo ezisangibwa awaka oziwandiike.
Waliwo ensolo endala ezisangibwa ewaka nga teziragiddwa mu ezo waggulu? Zimenye.
2. Menya ensolo ezitalundibwa waka ku ezo eziragiddwa waggulu mu bifaananyi.
Waliwo ensolo endala ezoomunsiko z'olaba mu kitundu gy'obeera? Zimenye.



Ekyokukola 05: Kusoma

Soma ekitundu ekikuweereddwa n’oluvannyuma okole ebikuweereddwa ku nkomerero.



EMPOLOGOMA N’ENTE

Abantu batono abandyagadde okwanga empologoma, ne bwe ziba nsolo zinnewaayo zigitya , kubanga obutafaananako nte empologoma yonkambwe. Obukambwe bwayo bwe yeeyambisa okulya nsolo zinnewaayo nga kwotadde n’abantu. Eno ye nsonga lwaki omuntu yenna oba enso lo yeevuma okugisisinkana, era kino kye kigifuula Kabaka w’ensolo, zonna okuggyako enjovu. Olwo empologoma n’eyitibwa Kabaka w’ensolo. Kirowoozebwa nti ekireetera empologoma okutya enjovu ,bwe bunene bwayo n’obuzito. Enjovu ng’esambye empologoma, olusambaggere lumu lugimala okugiggya mu budde.

Empologoma zonna , k’ebeere nkazi , nsajja, nto oba nkulu, zifaanagana. Obuvumu n’amaanyi gaza bisamaaliriza abantu bangi, era eno y’ensonga lwaki abantu bazeeyunira okuziraba. Olwo bukambwe bwazo empologoma tezirekebwa kutaayaaya, wabula zitekebwa mu bifo awakuumirwa ebisolo , olwo nga ziri wamu n’ensolo endala ne zifuuka ekyobulambuzi ekiyingiza ensimbi mu ggwanga.

Yadde empologoma tesobola kubeera mu bantu, ebisolo ebirala okugeza ng'ente byo bibadde b irundibwa mu maka g'abantu okumala ebbanga. Omuntu azudde emigaso mingi mu kulunda en te okusinga okulunda empologoma, okugeza, okufunamu amata, kaffece, ennyama, omuzigo o muganda, n'amaliba. Ng'oggyeko ebyo, obusa bwazo bweyambisibwa mu kukola ebigimusa, oku kola ggaasi akozesebwa mu kufumba, bukozesebwa okumaala wansi ne ku bisenge by'ennyuma .

Mu buwangwa ente zigula omukazi, naddala mu mawanga nga ag'Abakaramojja, Abateeso n'Ab anyankole. Ate mu mawanga amalala ng'Abajopadhola n'Abateeso, ente (naddala) zikozesebwa mu kulima nga tebannasiga n'oluvannyuma lw'amakungula.



Mu ngeri y'emu abantu abalala ente bazikozesa kubatambuza, n'okwetikka ebiba bikunguddwa okuva mu nnimiro okubituusa eka. Amaliba agava ku nte gakolebwamu engatto, ensawo ate era gatuulwako. Mu butuufu emigaso gy'ente eri omuntu mingi ddala. Ente n'olwekyo kye ky'okul wanyisa ky'obwavu omuntu ky'asobola okwekuumisa.

Ekyamazima, okubeera n'ente kyabugagga era eky'okwenyumiririzaamu. Mu mawanga amalunz

i g'ente, okuzitunda kyamuzizo, okuggyako mu mikolo gy'okuwasa n'okufumbirwa, era okusinzii ra ku bo, okubeera n'amagana g'ente agawera kyakwenyumiririzaamu. Kibawa essanyu mu miti ma gyabwe. Ente bwerwala n'omulaalo alwala, olw'okuba nti waliwo omukwano ogwamaanyi wakati w'ente n'omulaalo.



Ekyokukola 06: Kuwandiika

1. Lwaki empologoma nsolo nkambwe?
2. Nga weeyambisa ekyokulabirako ky'ente leetayo ensolo emu erundibwa awaka, onnyon nyole ku mbeera zaayo. (Kozesa ebigambo nga 100)
3. Okusinziira ku kitundu ky'osomye:
 - a) Laga obukulu bw'empologoma eri ensi nga Uganda.
 - b) Lwaki empologoma eyitibwa Kabaka w'ensolo?
 - c) Ente erina mugaso ki eri omuntu?
4. Okusinziira ku kitundu ky'osomye, Waliwo omukwano ogw'amaanyi wakati w'ente n'om ulaalo. Ente bwerwala n'omulaalo alwala. Waliwo endwadde ezimanyiddwa ezikwata ente mu kitundu gy'oobeera? Zimenye.
5. Abalaalo bajjanjaba batya ente zaabwe mu kitundu gy'oobeera?

1.4 .4 Litulica omwogere



Ekyokukola 07: Kuwandiika

Ng'okola ne banno,

- a) Mumenye embu z'ebigambookuva mu kitundu kye musomye
- b) Munokoleeyo ebisoko, n'engeri ebikozeseddwa mu kitundu ekyo.

1.4.5 Obubonero bw'empandiika n'enkozesa yaabwo

Kikulu nnyo okukozesa obubonero bw'empandiika nga tuwandiika kuba bukola kinene nnyo mu kwongera amakulu ku bye tuwandiika, era singa bukozesebwa bubi amakulu ge tugenderedde gayinza okufa. Abayizi obubonero buno baabuyigako mu bibiina eby'awansi naye ate ku ddaala lino beetaaga okwongera okumanya bwe buyitibwa mu Luganda n'engeri gye bukozesebwamu.

- a) **Akasirisa (.)**: Kkozesebwa okufundikira sentensi , okusirisa ebigambo oba n'amannya. Akabonero kano era kayitibwa akafundikizi.
- b) **Akabuuzza (?)**: Kkozesebwa ku nkomerero y'ekibuuzo.
- c) **Akewuunyi (!)**: Kkozesebwa ku nkomerero ya sentensi eraga okwewuunya, okusaasira, okutya oba essira.

d) **Obukomera**

Buno bukozesebwa okulaga ebigambo ebyongera okunnyonyola ku kintu

e) **Akasukkize (')**

Akasukkize kakozezebwa singa ennyukuta emu eba eggyiddwawo ne kassibwa mu kifo kyayo.


f) **Obuwaabi (“ ”)**

Bukozezebwa okuwaaba ebigambo by’omuntu nga bwe yabyogera.

g) **Akawummuza (,):** *Kakozezebwa okwawulamumu sentensi eyandibadde empanvu ennyo, oba okwawula ebirowoozo eby’enjawulo mu sentensi.*

h) **Obwanjuzi (;):** *Bukozezebwa okukwanaganya kkirozi ezetengeredde mu sentensi.*

Yongera okole okunoonyereza ku bubonero bw’empandiika nga tonnabusomesa, okusobola okufuna enkozesa yaabwo esinga ku eyo eyogeddwako.



Ekyokukola 09: Kusoma

Omuyizi yeekenneenye ekitundu kino wammanga.

Omusajja eyajja okubika teyangawo. Nnali ku nsiko nga nsala ssubi okutegekera enkoko yange eyali etandise okubiika, Bwe natuuka awaka namanyirawo nti waliwo omuutu abaddeko awaka. Nadduka mangu ku dduuka nsobole okubabuuza oba baali balabye ku muntu yenna eyali ava ewange Omu ku baali bazze ku dduuka, kye yava ankuba akaama nti, “kirabika oyo gw’obuuza y’oli omulaalo w’omulongo Kizza eyali azzeeyo okukama ente. Naye alabika agenze.”



Ekyokukola 10: Kusoma

Abayizi banokoleyo obubonero bw’empandiika obukozezeddwa mu kitundu ekyo waggulu.



Ekyokukola 11: Kuwandiika

Abayizi basse obubonero bw'empanziika obwetaagisa mu kitundu kino wammanga.

Ssebo Nnyabo

Ensonga Okusaba okwegatta ku Kitongole kya Poliisi

Nobuwombeefu mpeereza okusaba kwange mu woofiisi yo enkulu ennyo nga bwekirambikiddwa waggulu Kino kiddiridde akalango koakafulumira mu ggulire lya Bukkedde erya 6 Mutunda 2019

Ndi musajja Munnayugnada aweza emyaka 23 egyobukulu nga ndi Muganda. Nnasoma okutuuka mu ssiniya ey'okuna era nnafunna ebbaluwa y'obuyigirize obwa ssiniya eyokuna mu mwaka 2014. Bwe nnali mu ssomero nnafunna obuvunaanyizibwa obw'enjawulo ng'okubeera omukulu w'abayizi n'okukulira ebyemizannyo

Mu kiseera kino nkola nekitongole kya Uganda ekirabirira ebisolo byomu nsiko ngomukuumi Bwe nnali sinnakyegattako nnakola ng'omukuumi mu kitongole kya Securiko Uganda Limited mu myaka 2016 ne 2017. Ebintu by'ensinga okunyumirwa mu biseera byange eby'eddembe mwe muli okuzannya akapiira okudduka emisinde okuyimba okuzina ne katemba Nkakasa nti obumanyirivu obwo bujja kunsobozesa okukola ngomusirikale wa poliisi omulungi

Bwoba oyagala okumanya ebinkwataka ebisingawo buuza Omukulu w'essomero wa Ggalamba High School AKP 112 Gombe oba Ssentebe wa LC eyookusatu e Gombe ekisangibwa mu disituliki y'e Wakiso

Nnaasanyuka ssinga okusaba kwange kuno kuddibwamu mu ngeri yonna

Owuwo

Kyeyune Stefano

KYEYUNE STEFANO

Ekyokukola ekiwumbawumba essuula

Essomero liteseteese olunaku lwokwolesa. Nga ogumu ku myoleso ku lunaku luno, omusomesa wo ow'Oluganda akusabye otegeke empaka z'ebikoco mu kibiina kyo. Empaka zino zigenda kulabwa abazadde, abasomesa n'abantu ku kyalo. Abawanguzi bakwewangulira ensimbi n'ekikopo.

Ebiragiro:

1. Mu kibinja kyo kuŋgaanya ebikokko 20 ebigenda okuvuganya mu mpaka zino.
2. Ebikokko bino mubiyitemu wamu ne banno.
3. Mu mpaka zino buli omu wa kuddamu ekikokko kimu naye okubuuzaaayo ekikoco kimu.

Okuyambibwako:

Musobola okukola okunoonyereza okuva mu bantu b'omuka gammwe, ku kyalo kyammwe, n'okuva mu bitabo eby'enjawulo oba okwebuuzza ku bannammwe.



ESSUULA 5: OBUYONJO BW'OMUBIRI N'OBWEBITUNDU GYE TUBEERA

Essuula eno weenaggwerako, ojja kuba ng'osobola :

- Okutegeera bulungi ebitundu by'omubiri gwe eby'enjawulo.
- Okumanya ebitonotono ebikwatagana ku buyonjo.
- Okutegeera endwadde ezitawaanya abantu, enzijanjabo yaazo, n'engeri gye tuyinza okuzetangiramu.
- Okukozesa olulimi olukwatagana ku by'obuyonjo.
- Okyusa ebigambo okubiggya mu Luzungu okubizza mu Luganda.
- Okuyiira, n'okutontoma ku buyonjo bw'omubiri n'obwebitundu gye tubeera.
- Okukozesa nakasigirwa ezoobuntu.

Ebigambo eby'enkizo

- Obuyonjo
- Obulamu
- Enkuuma y'obuyonjo
- Ebitundu by'omubiri ebirabwako
- Ebitundu by'omubiri eby'omunda
- Nakasigirwa
- Okukyusa
- Obutondeb wensi


1.5.1 Ebitundu by'omubiri

Ekigendererwa mu ssuula eno, oyige ku bikwata ku by'obuyonjo ebisookerwako, naddala okuyiga okweyonja, ate n'okuyonja gy'obeera, era ebyokukola ebiri mu ssuula ekyo kye kibigendereddwamu.

Mu buufu obwo, ojja kuyiga ebitundu by'omubiri ebyokungulu/ebirabwako, ate n'ebynomunda/ebitalabika. Era oyige n'endwadde eziva ku bujama, n'engeri y'okuzetangiramu ate n'okuzijjanjaba.



Ekyokukola 01: Kusoma



1. Menya ebitundu by'omubiri ebirabikira mu bifaanayi ebyo waggulu.
2. Laga ebitundu by'omubiri eby'omunda ebitalabika, n'ebirabwako.

Soma ekitundu kino wammanga n'oluvannyuma oddemu ebibuuzo ku kyo.

Engeri Katonda gye yateekateeka enkolagana y'ebitundu by'emibiri gyaffe yakyewuunyo nnyo nnyo. Ennyindo bwe wunyiriza akawoowo k'emmere empoomu, ng'eweereza obubaka ku bwongo, olwo nno obusimu ne butandika okuteekateeka amalusu mu kamwa. Awo nno engalo bwe ziteeka emmere mu kamwa, olulimi ne luwuliriza bwewooma. Olulimi bwe lumatira nga ddala emmere mpoomu era terina kabi, obusimu ne bwongera okusonda amalusu okulaba ng'emmere gagikwasa wamu kitole nga ggaamu bwe yandikoze. Ekiddako awo gaba mannyo kukola ogwago ogw'okugaayagaaya emmere egonde bulungi, ng'eteekateekabwa okumiribwa.

Amannyo gaba gagaaya emmere, eno emba nazo ziba mu keetalo nga zeenyeeanya, bwe ziweereza obubaka eri olubuto okuluteekateeka nti waliwo ekijja, nti era lusaanye lweteekereteekere omulimu ogwo. Emmere ng'etuuse mu lubuto, ssebusa ayongera n'agisa esobole okugenda mu bwenda obutono nga teriimu buwulunguse bwonna. Emmere bw'eva mu bwenda obutono, waliwo obusuwa obusirikitu obuba bugirinze bugiyingize mu musaayi, okuva awo eyingire mu nnyama ne mu binywa okuwa omubiri amaanyi.

Katonda yatonda obwenda bwaffe obutono nga bulina obusengejja obuwerako mu bwo, okukakasa nti emmere gye tulya eyingira bulungi mu mubiri, era eyo eba eremereddwa okuyita mu busengejja obwo, eweerezebwa mu byenda ebinene, ng'eno gye tifuluma ng'obubi.

Eby'embi abantu bangi tebamanyi ngeri mmere gyetambuzibwa mu mibiri gyaffe, era ekivudde mu kino be bantu okulwala endwadde nga Alusa. Gano gaba mabwa ge tufuna mu lubuto nga gava ku kugaaya ebintu ate ne bisigala mu kamwa nga tebiweerezeddwa mu lubuto. Okugeza, omuntu bw'agaaya ekintu olw'okuyisa obudde, okugeza cuwingiggaamu, ssebusa yeeteekateeka, era n'aweereza omubisi ogunaasa emmere gy'awulidde eneetera okutuuka kyokka. Naye emmere erindibwa bwe tetuuka, ssebusa ye agenda mu maaso n'okusa yadde nga ky'asa tekiriwo, ekiva mu ekyo kye kyenda okwerya, olwo ne kifuna amabwa, ge tuyita amabwa g'omu byenda, oba Alusa. N'olwekyo okusobola okwewala endwadde ya Alusa omuntu alina okufaayo okulaba ng'alya mu budde, ssebusa n'aterya.

Mu bibinja,

1. Mumenye ebitundu by'omubiri eby'ogeddwako mu kitundu waggulu.
2. Mulaage ebitundu eby'omubiri eby'omunda ebitayogeddwako mu kitundu?
3. Munnyonnyole amakulu g'ebigambo bino wammanga era mubyeyambise okukola sentensi ku buli kimu.
 - Akawago
 - Okutu
 - Olulimi

- Ensigo (ey'omunda)
- Obulago

1.5.2: Obuyonjo n'enkuuma y'obuyonjo



Ekyokukola 01: Kusoma

Obuyonjo bw'omubiri kitegeeza kwefaako, nakwekuuma ng'oli mulamu. Omuntu okwogerwako nti muyonjo atekwa okuba ng'asenya, ng'enviiri ze azisanirira, anaaba ko n'okusala enjala nga zibadde zikuze. Naye okunaaba abavubuka bangi kubakaluubirira. Bangi bwe bagamba okunaaba ng'emimwa gibadda mu nnyindo, so ate bambi okweyonja kibayamba okubeera abalamu n'okwekkiririzaamu.

Soma ekitundu kino n'oluvannyuma baddemu ebibuuzo ku kyo.


OKUBA OMUYONJO KIREETERA OMUNTU OKWEKKIRIRIZAAMU

Obuyonjo bw'omubiri kitegeeza kwefaako, nakwekuuma ng'oli mulamu. Omuntu okwogerwako nti muyonjo atekwa okuba ng'asenya, ng'enviiri ze azisanirira, anaaba ko n'okusala enjala nga zibadde zikuze. Naye okunaaba abavubuka bangi kubakaluubirira. Bangi bwe bagamba okunaaba ng'emimwa gibadda mu nnyindo, so ate bambi okweyonja kibayamba okubeera abalamu n'okwekkiririzaamu.

Nabuuso yali muyizi e Mijja Girls' S.S. Abakulu b'essomero eryo baatuuka nga beetaaga okufunayo omuyizi anaakulembera banne mu ssomero. Abayizi bangi baatya okwesimbawo olw'okuba baali tebeekakasa mbeera zaabwe ez'obuyonjo naye Nabuuso teyatya kuba obuyonjo bwe yali abwekakasa. Eyaliwo ng'amuvuganya Nabidde, yali awunya akamwa, era nga bayizi banne abaayogeranga naye basooka kukwata ku nnyindo olw'ekivundu ekyamuvanga mu kamwa. Bwe yayitanga ewali bayizi banne, nga bamwogerako mbu awunya ng'empuuta, mu butuufu nga kiswaza.

Ku lunaku lw'okunoonya akalulu, Nabuuso yalinnya bulungi ku kadaala, n'ayogera eri bayizi banne, era bwe yamala okwogera bayizi banne ne bamukubira emizira, n'okuyimba erinnya lye. Nabidde bwe yatuuka okusaba akalulu abayizi kata bamulemese n'okwogera. Baatandika kumuwogganira nakumulangira, mbu atasobola kunaaba agenda kuyamba atya abayizi abalala okubeera abayonjo?

Okweyonja kikuyamba okubeera omulamu, n'okukutangira endwadde eziva ku bujama. Okweyonja era kireetera omuntu okwekkirizaamu. Bw'otosenya, owunya akamwa. Bw'otonaaba owunya akagwigiri, n'ekivaamu bayizi banno kutandika kukutuuma mannya, n'abalala kutandika kukwesamba. Kino kikuviramu obutassa mwoyo ku bikusomesebwa ku ssomero, olw'okuba obeera weebwalabwala, nga toyala mu banno. Bw'oteyonja okwatibwa mangu endwadde eziva ku bujama nga, embiro, envunza n'ebirala ekiyinda n'okukuleetera obutasoma bulungi, olw'okwosaayosa.



Ekyokukola 02: Kuwandiika

1. Menya ebirungi ebyogeddwako ebiva mu kweyonja.
2. Nnyonnyola ensonga ezaviirako Nabidde okuwanduka mu kalulu.
3. Wawandiika ebizibu ebiva mu butabeera muyonjo ebyogeddwako mu kitundu.
4. Nokolayo ebintu ebyogeddwako ebiraga omuntu eyeeyonja.

1.5.3: Endwadde ezikwata omubiri n'enzijanjababa yaazo

Endwadde kye kimu ku bizibu ebingira ddala okutawaanya abantu mu nsi. Ebivaako endwadde bingi, ebimanyiddwa n'ebitamanyiddwa. Na buli bantu mu nsi balina enziiania ez'eniawulo ze beevambisa okusinziira ku kitundu



Ekyokukola 01: Kuwandiika

1. Mu bibinja byammwe, mumenye endwadde ezikwata;
 - a) Ebitundu by'omubiri ebyokungulu/ebirabika bino.
 - Omutwe
 - Olususu
 - b) Ebitundu by'omubiri eby'omunda/ebitalabika bino;
 - Ebyenda
 - Amawuggwe
2. Mujjuzeemu ebibulawo mu lukangaga luno wammanga nga mulaga enzijanjababa y'endwadde ey'ekiganda/ekinnansi, n'eyekizungu.

	Endwadde	Enzijanjababa mu kinnansi	Enzijanjababa mu kizungu
1	Ssennyiga		
2	Omusujja		
3	Ekifuba		

3. Mumenyeeyo endwadde nga ttaano, mulage n'engeri y'okuzetangiramu.

Newankubadde okukyusa ssomo lya siniya eyookusatu, n'eyookuna, abayizi libalozeeko nga bakyali ku ddaala lino yadde nga toligenze buziba okubannyonyola ebigobererwa nga tukyusa, kuba kibayamba okuyiga ebigambo ebiggya. Mu ngeri eyo baweeyo akalimu k'okukyusa ebigambo ebyangungu.

4. Mu bitabo byabwe abayizi bakyuse sentenzi n'ebigambo bino wammanga.
- a) Eating cold food causes stomach ache.
 - b) Uncle was admitted with malaria.
 - c) Our neighbor has ringworm.
 - d) Measles.
 - e) Ginger cures cough.

1.5.4: Nakasigirwa

Nakasigirwa kye kigambo ekiyimirirawo mu kifo ky'erinnya. Tuzaawulamu ebika ebiwera, naye wano essira tulitadde ku Nakasigirwa ezoobuntu, n'ezoobwannannyini.

Ezoobuntu

Nakasigirwa ezoobuntu, bwe bugambo obuyimirirawo mu kifo ky'erinnya ly'omuntu. Obugambo buno bweyolekera nnyo mu busatu bw'omuntu, asooka, owookubiri, n'owookusatu.

Nakasigirwa ezoobuntu (Personal Pronouns)

Omuntu (Person)	Mu Bumu (Singular)	Mu Bungi (Plural)
Asooka (1 ^{ka})	Nze (I)	Ffe (We)
Owookubiri (2 ^{ri})	Ggwe (You)	Mmwe (You)
Owookusatu (3 ^{tu})	Ye (He, she, it)	Bo (They)

Ebyokulabirako:

- a) **Nze** saagala baana bajama.
- b) **Ggwe** wamma obaagala?
- c) **Ye** munnafe yagaanye okunaaba.



Ekyokukola 01: Kuwandiika

1. Sentensi ezo waggulu zizze mu bungi, osaze ku Nakasigirwa ezoobuntu.

2. Nokolayo Nakasigirwa ezoobuntu eziri mu sentensi zino wammanga.

Naye mmwe lwaki temutuula wamu?

Wamma ggwe Kabonge tereera nkunyumize.

Ffe tetujja kubeera nga bali abalejja.



Ekyokukola 02: Kusoma

Soma akatundu kano wammanga, n’oluvannyuma onokoleyo Nakasigirwa ezirimu baziwandiike mu bitabo byabwe.

Bwe twagenda okukyalira jjajjaffe nze saalowooza nti twalina okugenda n’engoye zaffe. Taata yamala kubuuzza nti, “Mmwe abaana abasugumbiza, engoye zammwe mwazitegesese ze mugenda nazo?” Olwo kwe kujjukira nti ezange tezaali na njoze. Kitenda ye ezize yali yazooza eggulolimu. Kye nnavu musaba anjazike waakiri ku ssaati ye emu ηηenderemu, kyokka ye yadda mu kunsekerera busekerezi. Yambuuzza mbu “Ggwe essaati ezizo zaabadde ki?” naye nga naamuddamu ki? Era nasirika busirisi. Kyokka ekyansesa, oluvannyuma bannange abaalowooza nti baali boozezza engoye zaabwe baagenda okuziggyayo bambale, ng’emmese zaazirumyerumye zonna zijjudde ebitulituli anti baali tebazitukuzza mu kuzooza. Kye mbakubiriza bannange, bwe mubanga mwoza engoye zammwe mussengayo omwoyo okulaba nti zitukula.

1.5.5: Ebitontome

Ebitontome ssomo mu Litulica erinyuma ennyo. Litulica alimu ebika bibiri; waliwo Litulica omwogere, ne Litulica omuwandiike. Mu litulica omuwandiike mwe muli ebintu nga, Engero enjiye (Novels), Emizannyo (Plays), n'Ebitontome (Poems). Litulica omwogere ye ate si muwandiike. Muno mwe muli ebintu ng'Ebikoco (Riddles), Engero ensonge, (Proverbs), Kanyoolannimi/Kasibannimi (Tongue twisters), Enfumo (Legends), Ebisoko (Idioms), Amazina (Traditional Dances) n'ebirala.

Ebitontome bigwa mu biti bya Litulica byombi, olw'ensonga nti bisobola okuba ebiwandiike ne bisomwa busomwa, kyokka ate era bisobola n'okwogerwa obwogerwa.



OLUYIMBA KU NSIRI

Ii Bannange ensiri – ensiri – ensiri – ensiri!

Ensiri ya wano wamma ggwe teyeebaka,
Mpaawo w'eteri mpaawo w'etarumbira,
Ekeera ku makya mu ttuntu nga yeetala,
Balya ebyemisana ginno yo nga yeejaga,
Obudde oluziba wamma ne bayimbula,
Gassempaladdume n'obuto mwe bulumbira,
Zisooka kwetala nga zinoonya mbu w'osula,
Ne zigomaagoma ne zibuna ekisenge kyo,

Bw'obikka ku mutwe zo zizuula we ziyita,
Bw'oba ozibirira n'owulira nga kalumye,
Kasooka ku mutwe ak'erudda kutu kkono,
Bwe weeyiringula ak'erudda nga katema,
Bwe weekulungula ak'erudda nga kalasa,
Bw'okyuka ku kkono ka ddyo ko nga kawera,
Bw'okyukira ddala tebugumba nga bwesasa,
Tebulina kifo we busanga nga buluma,
Tebulina nsonyi bukuluma ne w'olaba.

(Katundu okuva mu *Ebitontome eby'Amakulu* ekya Edward N.Kawere)

Ebibuuzo:

Mu bubinja,

Abatontomi mu kutontoma ebitontome byabwe, batontoma ku bintu bye tumanyi ebibaawo mu bulamu bwaffe obwabulijjo.

- (a) Kiki ekitontomebwako mu kitontome nga ddala kibaawo mu bulamu bwaffe obwabulijjo?
- (b) Ekitontomebwako mu kitontome ekyo waggulu kireeta buzibu ki eri omuntu?
- (c) Munnyonnyole engeri ez'enjawulo omuntu gy'ayinza okwetangira ekyogerwako mu bitontome.
- (d) Muwandiikeyo sitanza endala nga mwongereza ku kitontome ekyo, mu sitanza yammwe mutontome ku bye tuyinza okukola okwetangira ensiri

Eyokukola ekiwumbawumba essuula: Luyimba ku buyonjo

Wategekeddawo empaka z'amasomero mu kuyiia oluyimba ku mulamwa;

“Engeri y’okwekuumamu nga tuli bayonjo, n’okuyonja awatwetoolodde.”

Ng’oli ne banno, .

Muyiye oluyimba lwe munaayimba.

Mwegezese ku ngeri gye munaaluyimba

